

沅陵縣志

沅陵縣志

沅陵縣志卷四十四

藝文四

重修縣學宮記

邑令

趙念曾

根矩
德州

沅陵學自明末兵燹後。修葺鮮完善。雍正庚戌。予奉
調治沅陵。瞻謁之日。見其基荒陋。像塵封。大成門低
隘。而明倫堂則溝泥不可履。憮然者久之。因歎前此
因陋就簡。非大爲創建不可。值黔苗猖獗。軍需浩繁。
未遑也。越歲癸丑。政少暇。始謀營繕。捐俸百金以倡。
構枓木。雜植百餘株。命弟子員韓生嗣晉。陳生之駿。
孫生之樸。董其役。鳩工庀材。始自正殿。及兩廡。大成

門泮池。櫺星崇聖明倫名宦鄉賢各祠。圯者新之。廢者增之。低者以高。隘者以廣。溝泥者通以溝。濬砌以磚石。至丙辰孟秋。厯三載始竣。費七白金有奇。而沅陵之士紳樂助者居半。備載碑陰。庶幾廟貌巍峩。有以妥聖靈而光文教矣。是歲仲冬。余復命匠。構尊經閣於大成殿後。中樹層樓四週。環以窗櫺。中設書廡。舉十三經註疏。

御製羣書暨通鑑綱目廿一史。悉貯廚中。又計費百金。迄丁巳季夏而成。旣而稽考祭器。舊止銅爵二十有四。餘皆缺焉。復召匠於武陵。訪式於長沙。凡登豆簠簋。

盤鼎尊壘之屬。罔不備具。歷年五載。學中之事始完。善如此。先是經始時。命工採石山中。石忽隕裂。中隱若龜。色絳。爪甲悉具。又大成殿前。有丹桂金桂各一樹。癸丑秋。花大放。至甲寅春。二樹各放數蕊。中秋大放。月終再萼。其繁密較前倍盛。蓋一歲三放矣。考學記。當明時。欲易像爲主。鑪中煙隱隱若有字可辨。當時沅陵人文蔚起。稱甚盛焉。今余與學中士人更新之。而木石亦隱若效其靈。其必文教振興之兆也夫。是余之望也。乾隆二年秋仲記。

辰州府虎谿書院碑記

兵備道 永貴 心齋
滿洲

辰郡西郊數百步。有山屹如。曰虎谿。爲先儒陽明先生。旋自龍場。聚徒講學之所。先生去辰後。門人卽山側爲書院。至雍正丙午。黃郡丞澍。重加修治。迄今又二十餘年。前沅陵令張君浚。召集邑紳士。捐鏹四百有奇。因遺址而增拓之。棟宇完而羨入薄。不足供生徒竟歲之需。張君旋用。

丙召去。事幾寢。貴不敏。代庖郡篆。涖政餘暇。備稔其巔末。歎曰。有是哉。善作不必善成。二三學子。能枵腹事詩書耶。謀之署郡倅鄧君士錦。沅陵令孟君澤新。爲倡導。沅瀘諸士。不半月。樂輸一千八百餘金。合前捐修。

之羨得二千金有奇。屬李子魁春象琮經理之。以歲
入子錢爲生徒飲食費。恢恢有餘裕矣。初不自意爲
日甚近。而能就此。以是知事之集。惟其志之確。不惟
其力之強。又以見司世教者。設誠於上。以爲之倡。自
有以感人心之同。而成所務也。夫凡物之情。方其作
始。多畏難。曰非吾一手足所能任。及後先代繼。則必
以爲吾直寄焉。而不爲之計。久長。天下事難成。易敗。
往往坐是。惟我制府塞公。榜額暨大中丞清江楊公。
錫紱文武忠孝。方駕陽明。課士江夏。暨嶽麓書院。開
示突奧。近又從藩臬二司。請增闢號舍。爲多士謀者。

備至。不才如貴者。上承大府德意。下賴諸僚屬贊勲。而又獲纍纍慕義。如沅瀘諸邑人士。故未兩旬。而虎谿書院之規模大備。是不可以無傳也。爲鐫其首事。與樂輸者姓名於碑陰。以誌同好云。時乾隆十二年歲次丁卯三月既望。觀察使者心齋永貴記。

辰州太守陳公祠碑記

署本府知府

徐梁棟

念齋金匱

辰州太守陳公諱嘉穀字春及號育亭任三載病卒於官。郡人戴公德以不能覩其顏色。卜基於郡城西虎谿。見江軒之側。剏祠立像以奉之。時余權郡篆甫下車。環庭籲述公德。士曰公宿儒也。每教士以尊君

親上之道立身行己之節不僅斤斤文字間爲士者
靡不翻然退省刻勵其行郡有虎谿書院捐俸延名
師別甲乙定賞罰從學之士咸鼓舞奮發文風不變
民曰農桑耕織公督課焉日用飲食公矩矱焉吾民
守勤儉則欣然色喜事無巨細公悉躬理剖斷之不
以位旣崇遂與民遠一時冤抑盡伸而寬猛相濟持
大體不務苛細吏民皆陰受其德其商賈之藏於市
者頌公柔遠之德無以疆界彼此焉士卒之列在戎
行者頌公周恤之德無以文武歧視焉於是流涕弗
起僉謂祠以奉之非碑以志之無以留不朽也而丐

余爲之記嗟乎

朝廷一官一職當思爾祿所自來一息尙存靖共勿懈上以酬

國恩下以慰民願均此志也奈何有忝然民社敗官箴而致道路以目者否則碌碌庸庸與草木萎耳期如公之不受一錢不酷一民不必肅以刑威不事動以聲色彼都人士卽沁肺腑而不能忘生則親之愛之歿則哀之慕之自漢迄今賢守牧能如是者幾人歟因諭之曰公家金陵余居錫山距三百里知公舊矣及余官南楚識公已十年悉公又最深公爲簪纓族守

先訓讀書窮理德性既定其筮仕以來由粵之永寧而養利而下雷楚之湘鄉而江華而營道而郴陽政教敷施循聲久懋上達

宸衷乾隆十三年始奉

命來守茲土被公德者豈獨辰陽一郡哉余樂道之微余言亦不能親且切也爰書以記公德亦以見辰俗之厚也乾隆十五年季夏翰林院庶吉士署辰州府事沅州府通判金匱徐梁棟記

望小酉洞記

教諭

龔自舒

陶巷
慈利

辰州二酉山名聞天下予童時豔其名心焉藏之久矣乾

隆己卯冬秉鐸沅陵訪之故老言大酉隸辰谿小酉去郡西二十里古蹟猶存然日與及門士講學論文初無暇遠覽也壬午夏有事永順買小舟泝流而土倚蓬遙望山水歷落可人經酉口抵烏速灘山水尤奇中有峯特出皎石晴霞林谷幽蒼鳥語花放若別有天地者舟人告予曰此小酉山也於是停橈攝衣登岸而山高路仄竹杖莫支選石而坐回視烟嵐莽蒼中鷓鴣鸛鵒飛鳴下上水田蝌蚪錯雜嘈嘈予雖性懶力歉未能窮幽極邈顧所謂溪聲韻管絃者已領畧其大概矣或指曰洞在巖之上有石穴焉莫測其淺深右藏書篋可坐六七人又曰中有兩黃耆一

名卻鼎一名煉丹予啞然笑曰穆之轍環渺矣避秦劫者
近是嗟乎典墳邱索經傳子史秦人焚之而至今家絃戶
誦如日月常新其有賴於藏之也信矣然漆書竹簡經數
千年之久而猶叩石洞以問有無則亦惑之甚者也昔段
成式著雜俎以西陽名則西陽不獨藏書也亦著書之所
哉吾以爲後之有意於小西者如段成式可也何必效避
秦人窮幽極渺以爲高乎時炎日欲西涼風習習回舟迅
筆紀之以不虛疇昔之願云

辰州學署九畹山房記

辰州
教授 龔佐龍

余在鄖黃有飛竹語杏二齋意到而筆隨之故額之如彼

乾隆甲申。抵辰州學署。西偏有短屋。高不盈丈。廣十有六尺。縱八尺許。椽桷雖存。牖戶不備。蓋學無官者三年也。余理而居之。且以肅客。客爲余道曰。是室也。肇自前師羅公。以純。當其時。擁書課生徒。酒壘茶鐙。研檠筆床。畢具。階前雜植花卉。左紫薇。右修竹。累土成塢。姚魏之種。特盛。近較荒落矣。自參几杖。講習有筵。藏書有櫝。賓朋有位。鑪烟香繞。硯凹波澄。翼翼熊熊。閑偉壯燿。點染齋頭。生當以盈植餉也。余曰。學官期得士耳。桑民懌諭泰和。得徐威者。博通古文篆籀箋註。致身青紫。名炳士林。辰之地。小大酉之藏。書後先天之秘義。益以國家培植百年。都人士果卓

卓若徐威。則光吾廬者至矣。是室也。依山而立。羣峯到眼。錦浪橫襟。朝雲暮月。供人取攜。固不藉夫紫薇修竹而傳。府志明神宗朝十五年。學宮左楹。金色芝產。十六年。府學署產一本九莖蘭。是科售二士。是二士者。其桑民懌之徐威耶。抑客所謂紫薇修竹者應耶。吾聞之。芝蘭生於空谷。無人自芳。而其生必有本。凡物依本而達。達而茂。茂而盤結。鬱鬱磅礴無邊。風雨護之。鬼神守之。而卒不禁夫無人所司之。剝之移之。今踏踵來者。戶履常滿。名園所植。羅而致之。尚足繼夫昔美。而余之所嗜。匪客之所云。古人所嗜。有菊有蓮。至於以竹名樓。以松名閣。以浣花名溪。各有所

託余何託乎。其在十五年芝十六年蘭乎。不生於有本而生於無本。卽非無本之生。而本已過其爲本。呈氣呈形。瑞起於頓壁。祥應乎人文。則夫太和絪縕充足飽滿。其將以是室爲滋蘭之九畹歟。畹長三十畝。衍九爲滋。氣象之崢嶸奚若。都人士卓卓若徐威。無慮不爲二士也。客曰。太邱陳氏芝生於庭。皮而藏之。不以炫人。草木之瑞矧茲未來。而艷諸余曰。爾者魯齋許先生太學古樹敷榮。以應文教。昌明之會。大道其南乎。室之閎偉壯耀。誠在此而不在彼。客曰。是說也。曷卽以名齋。余喜而筆之。因額曰九畹山房。

沅陵學署念典堂記

訓導

何經世

西潁桂陽

西齋之有廨舍。由來舊矣。官斯席者。視如傳舍。蓋文學之
掾坐寒氊。食甘藷。清俸無幾。宜其莫之葺焉。予於乾隆乙
亥。報滿成均。越明年。秉鐸沅陵。環顧門堂寢室。半就荒蕪。
雖尙存數椽。而四壁已頽然不蔽風雨。逼前一廳。出入旁
午。多士晉謁。幾無接談之地。而燕息寢興之所。更無論矣。
支吾至己卯。勢欲傾倒。會諸生在座。顧而謂曰。是齋不治。
將廢。任其廢而莫之興。司教者之責。亦二三子之羞也。爰
捐俸倡首。而諸生各慨然以贊其成。於是鳩工材。繕堂室。
補垣墉。自門廡庖廡。以及廩倉。各益舊添新。而葺治之。又
相形輔勢。搆堂室二所於廳左之隙地。因思儒者之官在